

Atodiad 1



Polisi Trwydded Cerbydau 2021



CYNNWYS

1. Cynllun Trwydded Cerbydau Sir y Fflint
 - 1.1 Meini Prawf y Cynllun Trwydded Cerbydau
2. Cymhwysedd Cerbydau
 - 2.1 Cerbydau nad ydynt angen trwydded
 - 2.2 Cerbydau sydd angen trwydded
 - 2.3 Cerbydau nad ydynt yn gymwys i gael trwydded
3. Y Broses Ymgeisio
 - 3.1 Dogfennau cerbyd sydd eu hangen wrth wneud cais
 - 3.2 Dogfennau trelar sydd eu hangen wrth wneud cais
4. Mynediad y Deiliad Trwydded
5. Gadael y cynllun trwydded cerbydau
6. Trwydded untro
7. Trwydded dros dro
8. Camddefnyddio'r cynllun trwydded cerbydau

1. Cynllun Trwydded Cerbydau Sir y Fflint

Mae Cyngor Sir y Fflint yn rheoli ac yn gweithredu pum Canolfan Ailgylchu Gwastraff Cartref i breswylwyr Sir y Fflint i ailgylchu neu ailddefnyddio eitemau'r cartref na ellir eu casglu gan gerbydau casglu wrth ymyl y ffordd. Mae'r canolfannau yn y lleoliadau canlynol ar draws y sir:

- Maes Glas
- Sandycroft
- Yr Wyddgrug
- Bwcle
- Rockliffe (Oakenholt)

Mae'r canolfannau ailgylchu ar gyfer cael gwared â gwastraff cartref ar raddfa fach yn unig o eiddo domestig. Ni dderbynnir gwastraff masnachol a/neu fusnes yn unol ag amodau'r Drwydded Amgylcheddol

I reoli mynediad a nifer y gwastraff sy'n dod i'r canolfannau, mae'r Cyngor yn gweithredu cynllun trwydded cerbydau.

Mae'r polisi hwn yn gosod cyfyngiadau'r cynllun trwydded cerbydau.

1.1 Meini Prawf y Cynllun Trwydded Cerbydau

- Rhoddir trwydded llawn ar sail dreigl 12 mis
- Caniateir deuddeg ymweliad bob 12 mis - gall deiliad tŷ ddewis pryd i ddefnyddio'r trwyddedau e.e. i gyd mewn un mis neu eu lledaenu dros y flwyddyn.
- Rhaid ailgyflwyno cais cyflawn ar ôl i'r drwydded ddod i ben
- Dim ond un drwydded a roddir fesul cyfeiriad preswyl
- **Ni fydd** trelars yn cael mynediad os ydynt yn cael eu tynnu gan gerbyd sydd angen trwydded (e.e. fan)
- **Nid yw** cerbydau gydag arwyddion arnynt yn gymwys i gael trwydded 12 mis llawn* (mae hyn yn cynnwys cerbydau gydag arwyddion, logos busnes neu hysbysebu arall) (*cyfeiriwch at adran 6 a 7),
- **Nid yw** cerbydau a gofrestrwyd i fusnes yn gymwys i gael trwydded 12 mis llawn* (*cyfeiriwch at adran 6 a 7)
- **Nid yw** cerbydau domestig yn gymwys i gael trwydded 12 mis llawn* os ydynt yn gysylltiedig â busnesau e.e. amlygwyd trwy arwydd, logos neu hysbysebu arall. (*cyfeiriwch at adran 6 a 7)
- **Ni ddylai'r** cerbyd/perchennog fod yn gludydd gwastraff cofrestredig gydag un ai Cyfoeth Naturiol Cymru neu Asiantaeth yr Amgylchedd (Lloegr)

2. Cymhwysedd Cerbydau

Bydd y math o gerbyd yn pennu os oes angen trwydded.

2.1 Cerbydau nad ydynt angen trwydded

- Car bach

- Car safonol
- Car teulu mawr
- Cerbydau pob pwrpas chwaraeon (SUV)
- Cerbydau 4x4 (gelwir hefyd yn rhai gyriant pob olwyn)
- Beic Modur

2.2 Cerbydau sydd angen trwydded

- Pic-yp (dwy neu bedair sedd) h.y. cerbyd bychan gyda rhan agored/caeëdig yn y cefn ble gellir cludo nwyddau
- Fan sy'n deillio o geir
- Fan fach
- Fan ganolig (to safonol neu isel yn is na 7 troedfedd neu 2.14 metr)
- Trelar un echel hyd at 6 troedfedd (1.83 metr) o hyd
- Trelar dwy echel hyd at 6 troedfedd (1.83 metr) o hyd
- Bws mini (gyda gosodiadau mewnol yn gyflawn)
- Faniau camper a chartrefi modur (gyda gosodiadau mewnol yn gyflawn ac yn is na 7 troedfedd neu 2.14 metr)

2.3 Cerbydau nad ydynt yn gymwys i gael trwydded

- Faniau bocs mawr (math Luton)
- Cerbydau nwyddau mawr (LGVs)
- Cerbydau nwyddau trwm (HGV)
- Cerbydau tipio
- Cerbydau gwastad
- Faniau mawr (XLWB; LWB)
- Faniau gyda thoeau uchel (dros 7 troedfedd / neu 2.14 metr)
- Trelars sy'n hirach na 6 troedfedd (1.83 fetr) o hyd
- Trelars â chaets/trelars bocs/trelars â phaneli ochr estynedig / trelars wedi'u haddasu
- Trelars â rampiau mynediad
- Bws mini (gyda gosodiadau mewnol yn gyflawn)
- Faniau camper a chartrefi modur (gyda gosodiadau mewnol wedi eu tynnu)
- Cerbydau amaethyddol
- Bocsys ceffylau/trelars ceffylau

3. Y Broses Ymgeisio

Bydd gan ddeiliaid tai sy'n talu treth safonol y Cyngor yn Sir y Fflint hawl i wneud cais am drwyddedau trwy lenwi ffurflen gais. Dim ond i gartrefi yn Sir y Fflint y bydd trwyddedau yn cael eu dosbarthu. (Dim ond cartrefi yn Sir y Fflint sy'n talu Treth y Cyngor safonol sydd â'r hawl i ddefnyddio Canolfannau Ailgylchu Gwastraff Cartref y Cyngor).

Gwneir bob cais am drwydded cerbydau trwy'r e-ffurflen ar-lein sydd ar gael ar wefan y Cyngor.

Wrth wneud cais, rhaid cyflwyno'r holl ddogfennaeth angenrheidiol er mwyn cynnal asesiad o gymhwysedd.

Bydd yn ofynnol i ddeiliaid tai roi'r wybodaeth ganlynol:

- Enw'r ymgeisydd
- Cyfeiriad
- Rhif ffôn
- Rhif cofrestru'r cerbyd
- Math a lliw'r cerbyd
- Math o Gerbyd: fel nodir yn Adran 2.2
- Cadarnhad o dderbyn Telerau ac Amodau'r cynllun trwyddedau

I ymgeiswyr sy'n methu â darparu'r ddogfennaeth angenrheidiol yn **barhaus** bydd eu cais yn cael ei wrthod ac ni fyddant yn gymwys i ail-ymgeisio am gyfnod o chwe mis.

Bydd preswlydd yn cael un apêl os bydd trwydded cerbyd yn cael ei wrthod. I gyflwyno apêl rhaid i'r preswlydd lenwi'r e-ffurflen berthnasol ar wefan y Cyngor gan nodi'r sail dros apelio yn glir.

Mae telerau ac amodau'n berthnasol a gellir eu gweld ar wefan y Cyngor ynghyd â'r hysbysiad preifatrwydd.

3.1 Dogfennau cerbyd sydd eu hangen wrth wneud cais

- e-ffurflen wedi ei llenwi
- Llyfr cofnod cerbyd llawn / copi o ddogfen gofrestru Cerbyd V5
- Trwydded yrru
- 2 x bil cyfleustodau / bil treth y cyngor i brofi eich bod yn byw yn Sir y Fflint (cyfredol ac o fewn y 12 mis diwethaf)
- Lluniau o'r cerbyd y mae'r drwydded yn ymwneud ag o:
 - Cefn y cerbyd yn dangos y rhif cofrestru (drysau wedi cau)
 - Golwg mewnol o'r cefn o'r drysau cefn
 - Golwg o'r blaen yn dangos y rhif cofrestru
 - O'r ochr (y ddwy ochr)

3.2 Dogfennau trelar sydd eu hangen wrth wneud cais:

- e-ffurflen wedi ei llenwi
- Llyfr cofnod cerbyd llawn / copi o ddogfen gofrestru Cerbyd V5
- Dimensiynau'r trelar
- Trwydded yrru
- 2 x bil cyfleustodau / bil treth y cyngor i brofi eich bod yn byw yn Sir y Fflint (cyfredol ac o fewn y 12 mis diwethaf)
- Lluniau o'r trelar y gofynnir am drwydded ar ei gyfer yn dangos y canlynol yn glir:

- Cefn y trelar yn dangos y rhif cofrestru
- Golwg o'r ochr gan ddangos hyd a lled llawn

4 Mynediad y Deiliad Trwydded

I gael gwell rheolaeth ar fynediad i'r canolfannau ac i atal camddefnyddio'r cynllun trwydded, cyflwynir trwyddedau i safle dynodedig. Cyflwynir y trwyddedau ar gyfer y safle sydd agosaf i eiddo'r preswlydd neu, pan gyflwynir achos busnes dilys, ar gyfer safle o ddewis y preswlydd.

Bydd hyn yn cynorthwyo i reoli'r cerbydau mwy, cymhleth ym mhob safle gan olygu nad oes gormod o gerbydau a ganiateir ar un safle.

Bydd trwyddedau ond yn cael eu cyflwyno i gyfeiriadau unigol unwaith y flwyddyn.

Ni ellir rhoi trwyddedau i gerbydau yn erbyn cyfeiriadau lluosog.

Dim ond ar gyfer y cerbyd a ddisgrifir ar y drwydded y mae trwydded yn ddilys.

Os yw deiliad tŷ yn newid eu cyfeiriad neu eu cerbyd rhaid iddynt roi gwybod i'r Cyngor cyn ail ymgeisio gyda manylion newydd. Bydd trwyddedau wedi eu diwygio yn annilysu'r hen drwydded.

5. Gadael y cynllun trwydded cerbydau

Gall preswylwyr adael y cynllun trwydded cerbydau unrhyw bryd trwy ddychwelyd eu trwydded i'r cyfeiriad canlynol gyda llythyr yn egluro eu dymuniad i ganslo:

Cyngor Sir y Fflint
Depo Alltami, Ffordd yr Wyddgrug, Alltami, Sir y Fflint, CH7 6LG

Pe na fyddai trwyddedau heb eu defnyddio yn cael eu rhoi yn ôl, bydd y Cyngor yn trin y sefyllfa hon yr un fath â phe bai deiliad tŷ wedi colli'r trwyddedau.

6. Trwydded Untro

Ar gyfer y cerbydau hynny nad ydynt yn cydymffurfio â'r meini prawf cymhwyso megis cerbyd a gofrestrwyd i fusnes, y mae ei berchennog angen defnyddio eu cerbyd/trelar i gael gwared ag eitemau mwy, swmpus, yna gellir cyflwyno trwydded untro os nodir yn glir nad yw'r gwastraff yn gysylltiedig â'r busnes neu weithgareddau'r busnes y mae'r cerbyd wedi ei gofrestru iddo neu ei ddefnyddio e.e. cerbyd a gofrestrwyd i blymwr sydd eisiau cael gwared â gwastraff gardd y cartref.

I gael trwydded untro rhaid gwneud cais cyn yr ymweliad trwy e-ffurflen benodol ar wefan y Cyngor er mwyn gwneud asesiad a chyflwyno trwydded.

Rhaid i'r math o gerbyd ar gyfer y cais am drwydded untro gydymffurfio ag un o'r mathau o gerbyd a nodir yn Adran 2.2.

Gellir rhoi trwydded untro ddim mwy na dwywaith mewn cyfnod o 12 mis.

7. Trwydded Dros Dro

a) Defnyddio cerbyd llogi i gael gwared â gwastraff cartref

Gellir rhoi trwydded dros dro i breswlydd Sir y Fflint sy'n llogi cerbyd i symud eu gwastraff cartref eu hunain.

I gael trwydded dros dro rhaid gwneud cais cyn yr ymweliad trwy e-ffurflen benodol ar wefan y Cyngor er mwyn gwneud asesiad a chyflwyno trwydded.

Bydd angen i'r deiliad tŷ ddarparu'r cytundeb llogi cerbyd i ddangos fod y cerbyd wedi ei logi.

b) Benthycia neu ddefnyddio fan gweithle neu gwmni a cherbyd o fath masnachol.

Gall deiliaid tai o Sir y Fflint ddefnyddio fan eu cyflogwyr neu gerbydau o fath masnachol (cyn belled fod y cerbyd yn cydymffurfio â chyfyngiadau math a maint a nodir yn Adran 2.2) i gael gwared ar wastraff cartrefi eu hunain mewn Canolfannau Ailgylchu Gwastraff Cartref gydag uchafswm o 2 Drwydded Fan Defnydd Untro'r flwyddyn.

Fodd bynnag, bydd y deiliad tŷ angen llythyr gan y perchennog (neu ei gynrychiolydd) ar bapur y cwmni sy'n rhoi caniatâd i'r ymgeisydd ddefnyddio'r cerbyd i symud eu gwastraff domestig eu hunain, a fydd yn cael ei ddefnyddio yn lle'r Ddogfen Cofrestru Cerbyd V5 ar gyfer dibenion dilysu (bydd prawf preswlyio yn Sir y Fflint yn dal yn ofynnol gan ddeiliad y tŷ).

Rhaid i'r math o gerbyd ar gyfer y cais am drwydded untro gydymffurfio ag un o'r mathau o gerbyd a nodir yn Adran 2.2. Os nad yw'r cerbyd yn cyd-fynd â'r gofynion maint neu fath ni chaniateir iddo gael mynediad i safle canolfan gwastraff cartref.

Rhoddir trwydded dros dro unwaith yn unig mewn cyfnod o 12 mis a bydd yn caniatáu ar gyfer tri ymweliad dros gyfnod o saith diwrnod.

8. Camddefnyddio'r cynllun trwydded cerbyd

Mae gan Gyngor Sir y Fflint yr hawl i ddod ag unrhyw gonsesiynau o dan y cynllun trwyddedau i ben os yw deiliad y drwydded yn mynd yn groes i unrhyw beth a nodir yn y polisi hwn a'r telerau ac amodau defnyddio.

Ni fyddwn yn goddef unrhyw achosion o fygwth neu gam-drin staff neu breswylwyr eraill, bydd hyn yn arwain at ddirymu'r drwydded ar unwaith, ac fe allai hefyd arwain at wahardd y deiliad rhag defnyddio Canolfannau Ailgylchu Gwastraff y Cartref Cyngor Sir y Fflint.

Caniateir i aelodau staff Canolfannau Ailgylchu Gwastraff y Cartref atafaelu trwydded lle bo angen, er enghraifft, mewn unrhyw achosion o :-

- Gam-drin, ymddygiad ymosodol neu fygwth staff y safle neu breswylwyr eraill
- Peidio â chydymffurfio â rheolau safleoedd gan gynnwys cyfyngiadau cyflymder, cyfarwyddebau staff

- Trwyddedau sydd wedi'u hagru, addasu neu sy'n cynnwys manylion aneglur ac felly'n annilys
- Methiant i ddatgan gwastraff peryglus mewn llwyth
- Cael gwared â gwastraff nad yw'n cydymffurfio neu fathau o wastraff na ganiateir ar y safle.

Mae trwyddedau a roddwyd yn berthnasol i gerbyd mewn cyfeiriad penodol yn Sir y Fflint ac nid y gwastraff, felly, hyd yn oed gyda thrwydded, mae gan staff y safle mewn Canolfannau Ailgylchu Gwastraff Cartref hawl i allu gwrthod unrhyw un dan amheuaeth o ddod â gwastraff o natur fasnachol.

Trwyddedau a Gollir neu a Ddifrodir

Os yw unrhyw drwyddedau yn cael eu colli neu eu difrodi dylai'r deiliad tŷ gysylltu â'r Cyngor i'w hysbysu ynglŷn â hyn.

Bydd y Cyngor yn monitro ymweliadau i atal a rheoli ceisiadau dyblyg ar gyfer adnewyddu trwyddedau coll neu sydd wedi'u dwyn, hynny yw deiliaid tai sy'n parhau i ddefnyddio'r trwyddedau yr honnwyd iddynt fynd ar goll, ar ôl cael rhai newydd.

Bydd y Cyngor yn monitro ymweliadau i nodi unrhyw drwyddedau sydd wedi cael eu copïo neu sy'n gopïau ffug.

Bydd gan y Cyngor yr hawl i atal unrhyw un rhag mynd i safle canolfan ailgylchu gwastraff cartref os amheuir eu bod wedi torri unrhyw un o'r amodau a nodir yn y polisi hwn.

Bydd deiliaid tai sy'n dod i safle Canolfan Ailgylchu Gwastraff Cartref heb drwydded ar gyfer eu fan neu gerbyd bach o fath masnachol yn cael eu troi ymaith.

Hysbysir Cyfoeth Naturiol Cymru ynghylch unrhyw un sy'n dod â gwastraff masnachol i safle, os oes ganddynt drwydded ai peidio.

Mae'r polisi hwn yn disodli'r Polisi Casglu Gwastraff Cartref a Gwaith Canolfannau Ailgylchu Gwastraff Cartref 2017, Adrannau 12.7 i 12.13